

**Talamdan sa
Mga Mensahe alang sa Full-time Training
sa Fall Term sa 2022**

LINANGKOB NGA HISGOTANAN:

**MAGKINABUHI DIHA SA REALIDAD SA LAWAS NI CRISTO SA PAGKAT-ON
KANG CRISTO MAINGON NGA NAA NI JESUS ANG REALIDAD**

Mensahe 15

**Makaila ug Makasinati
ni Cristo nga Sumbanan ug Halad nga Ilimnon**

Basahong Kasulatan: Fil. 2:5-9, 17

I. Magkinabuhi ta diha sa realidad sa Lawas ni Cristo sa pagkaila nato ni Cristo ug paghimo nato Kaniya nga atong sumbanan—Fil. 2:5-13:

- A. Kon buot tang makaila ni Cristo nga sumbanan, kinahanglan maanaa nato ang hunahuna nga naa ni Cristo Jesus—v. 5:
1. Himoon gyod natong hunahuna nato ang hunahuna ni Cristo, ablihan ang atong kaugalingon aron “maanaa [nato] kining hunahuna”—vv. 3-5:
 - a. Sukwahi sa makinaugalingong ambisyon ug kawang nga garbo ang pagkamapaubsanon og hunahuna (v. 3); dili gyod kini ang natural natong pagpaubos kondili ang pagpaubos ni Cristo (v. 8).
 - b. Naa ni Cristo kining salabotana, kining panghunahuna, sa paghukas Niya sa Iyang Kaugalingon ug sa pagpaubos Niya sa Iyang Kaugalingon—vv. 7-8.
 2. Aron maanaa nato “kining hunahuna” kinahanglan mausa ta Niya sa Iyang mga bahin sa sulod, sa malumong pagbati Niya sa sulod ug sa Iyang panghunahuna—1:8.
 3. Kanang maanaa nato ang hunahuna ni Cristo nagpasabot nga buhi kining hunahuna; sa pagkatinuod, ang hunahuna ni Cristo mao si Cristo mismo, kay napadayag man ang persona ni Cristo sa hunahuna Niya—2:5; itandi sa 1 Cor. 2:16, nota 1.
- B. Aron makasinati ni Cristo, kinahanglan makaila ta Niya ingon nga sumbanan—Fil. 2:5-9:
1. Sa Filipos 2:5-9 gipakita ni Pablo si Cristo ingon nga sumbanan; magpatuhop gyod ta ning sumbanana.
 2. Ang sumbanan sa Cristohanong kinabuhi mao ang Dios-tawo nga Manluluwas, nga naghukas sa Iyang Kaugalingon ug nagpaubos sa Iyang Kaugalingon ug gituboy ug gihimaya sa Dios—vv. 6-9.
 3. Bisan tupong sa Dios ang Ginoo, wala Niya isipa nga bahanding hawiran ug kuptan ang pagkatupong Niya sa Dios; gihukas hinuon Niya ang Iyang Kaugalingon, gipadaplin ang nabatongan Niya—ang porma sa Dios—vv. 6-7a:
 - a. Sa pagpakatawo sa Ginoo wala Niya usba ang diosnong kinaiya Niya.
 - b. Ang pagpadayag ra sa gawas ang giusab Niya, gikan sa porma sa Dios ngadto sa porma sa ulipon.
 4. Nahimong “kasama sa mga tawo” ang Ginoo—vv. 7b-8a:
 - a. *Ang porma sa Dios* nagpasabot sa realidad sa pagkadios ni Cristo sa sulod; *ang pagkasama sa mga tawo* nagpasabot sa dayag nga hitsura Niya sa Iyang pagka-tawo—vv. 6-7.
 - b. Makita Siya sa mga tawo ingon nga tawo, apan ingon nga Dios duna Siyay realidad sa Dios sa sulod—Juan 1:1, 14, 18; 3:16; Rom. 8:3.
 - c. Nisulod si Cristo sa kahimtang sa tawo, ug nakit-an Siya diha sa panagway sa tawo—Fil. 2:8a.
 5. Gipaubos ni Cristo ang Iyang Kaugalingon sa pagsugot Niya bisan ngadto sa kamatayon—sa kamatayon sa krus—v. 8b:
 - a. Ang pagpaubos sa Iyang Kaugalingon usa pa gyod ka lakang sa paghukas Niya sa Iyang Kaugalingon.

- b. Ang pagpaubos-sa-kaugalingon ni Cristo nagpadayag sa Iyang paghukas-sa-kaugalingon—vv. 7-8.
- c. Ang kamatayon sa krus maoy kinahingpitang pagpaubos ni Cristo.
- 6. Kinabubut-ong gihukas sa Anak ang Iyang Kaugalingon aron mahimong linalang nga tawo nga representante sa pagpasakop sa pagbulot-an—vv. 6-8:
 - a. Gipaatabang ni Ginoong Jesus ang Iyang nawong nga magpasakop Siya bisan ngadto sa kamatayon—Isa. 50:7; Luc. 9:51; Mar. 10:32-34.
 - b. “Bisan tuod Anak Siya, nakat-on [ang Ginoo] sa pagsugot tungod sa mga butang nga Iyang giantos”—Heb. 5:8:
 - (1) Gitudlo sa Dios nga mamatay gyod si Cristo, ug nisugot si Cristo—Fil. 2:8.
 - (2) Nakat-on Siya ning pagsugot tungod sa pag-antos sa kamatayon.
 - c. Ang Ginoo, nga nagpasakop sa tibuok Niyang kinabuhi, nihatag sa Iyang kinabuhi sa pagpasakop kanato; ang pagsugot sa magtutuo resulta man sa paghimo niya ni Cristo nga sum-banan sa pagsugot—v. 8; Col. 3:4.
- 7. Gipaubos sa Ginoo ang Iyang Kaugalingon sa kinahingpitan gyod, apan gituboy Siya sa Dios sa kinalabwang dapit ug gihatag Kaniya “ang ngalan nga labaw sa tanang ngalan”—Fil. 2:9.

II. Kon nagkinabuhi ta diha sa realidad sa Lawas ni Cristo, makaila ug makasinati ta ni Cristo ingon nga halad nga ilimnon ug mahimo tang halad nga ilimnon diha ni Cristo—v. 17:

- A. Ang halad nga ilimnon naghulagway ni Cristo nga gibubo ingon nga tinuod nga bino atubangan sa Dios aron matagbaw Siya—Exo. 29:40-41:
 - 1. Dugang ang halad nga ilimnon sa sukaranong mga halad, ug gibubo kini nganha sa usa sa sukaranong mga halad—Num. 15:1-10; 28:7-10.
 - 2. Gibubo ang bino sa halad nga ilimnon aron matagbaw ang Dios; gibubo kini aron mainom sa Dios—Exo. 29:40-41:
 - a. Gibubo ni Cristo ang Iyang pagkamao ngadto sa Dios—Isa. 53:12.
 - b. Si Cristo ang langitnon, espirituhanong bino nga gibubo ngadto sa Dios aron mahimuot Siya; gibubo Niya ang Iyang Kaugalingon ingon nga bino aron malipay ang Dios.
 - 3. Naghulagway ang bino ni Cristo nga nisakripisyo, ni Cristo nga nisakripisyo sa tanang Iyaha, ug tungod sa Iyang sakripisyo nakapalugwa Siyag bag-ong bino nga molipay sa Dios ug sa tawo—Huk. 9:13:
 - a. Si Cristo ang tigpalugwag bino, nga nisakripisyo sa Iyang Kaugalingon aron magpalugwag bino nga molipay sa Dios ug sa uban.
 - b. Kon mokontak ta ning Cristoha ug mosinati sa Iyang kinabuhi nga nisakripisyo, palagsikon ta Niya aron magkinabuhi sa kinabuhing mosakripisyo, nga magpalugwag bino nga molipay sa uban ug sa Ginoo—2 Cor. 1:24b.
- B. Ang halad nga ilimnon naghulagway dili lang ni Cristo mismo kondili ni Cristo sab nga nagpasu-rop kanato sa Iyang Kaugalingon nga langitnong bino hangtod mausa Siya ug kita aron ibubo para makapahimulos ug matagbaw ang Dios ug alang sa pagtukod sa Dios—Mat. 9:17; Fil. 2:17; 2 Tim. 4:6:
 - 1. Ang halad ilimnon hulagway ni Cristo nga langitnong bino nga mapahimuslan sa maghahalad, nga nagpuno niya ug naghimo niyang bino alang sa Dios—Fil. 2:17.
 - 2. Sa pagsinati nato ni Cristo nga mga halad, mahimo tang mga tawo nga mapuno ug masu-ropan ni Cristo—Efe. 3:17; Gal. 4:19.
 - 3. Ang Cristo nga subjectibong napahimuslan nato ingon nga mga halad mahimong bino sa sulod nato, nga naghimo natong malipayon ug masadyaon sa hilabihan gyod—Mat. 9:17; 2 Cor. 5:13a.
 - 4. Sa kapulihay, masu-ropan ta ni Cristo nga langitnong bino ug mausa sa bino ug mahimo man nganing bino; sa ingon niini maangayan ta nga mahimong halad nga ilimnon—Mat. 9:17; 2 Cor. 5:13a; Efe. 5:2; Fil. 2:17:
 - a. Ang halad nga ilimnon mao ang subjectibong pagsinati nato nga mausa sa Ginoo hangtod ngani nga mahimo Siyang kita.
 - b. Labi tang makasinati ni Cristo nga mga halad, labi sab tang mahimong halad nga ilimnon nga motagbaw sa gitinguha sa kasingkasing sa Dios ug motukod sa iglesia nga Lawas ni Cristo—Num. 15:1-10.